

C/pe

K0248661

REPUBULIKA Y'U RWANDA
PEREFEGITURA YA KIBUYE

Kibuye, ku wa *8.6.94*

No *BLS* 104.09.01

CASE NO: *ICTR-98-41-T*
EXHIBIT NO: *P.442A*
DATE ADMITTED: *20-11-2006*
TENDERED BY: *PROSECUTOR*
NAME OF WITNESS: *KAMBANDA*

Nyakubahwa Bwana Minisitiri w'Intebe
KIGALI

Impamvu: Kohereza inyangikomvugo
y'inama yo ku wa
3 Gicurasi 1994.

Nyakubahwa Bwana Minisitiri w'Intebe,


Nishimiye kuboherereza ku mugereka w'iyi
baruwa inyangikomvugo y'inama y'umutekano mwayoboye kuri Perefegitura KIBUYE
ku itariki ya 3 Gicurasi 1994.

Mbifurije kubyakira neza.

C.P.I.a:

- Monsieur le *Commissaire*

Perefe wa Perefegitura KIBUYE
Dr KAYISHEMA Klementi.-



K0248662

**INYANDIKOMVUGO Y'INAMA Y'UMUTEKANO YA PEREFEGITURA KIBUYE YAYOBOWE
NA NYAKUBAHWA BWANA MINISITIRI W'INTEBE KAMBANDA YOHANI
KU WA KABIRI TARIKI YA 3 GICURASI 1994**

ABAJE MU NAMA: Umugereka lisiti y'abajе mu nama.

IBYARI KU MURONGO W'IBYIGWA : Iyi nama y'umutekano yari ikubiye mu ngingo imwe rukumbi yo gushaka uburyo amahoro n'umutekano byagaruka, ikaba yari igizwe n'ubutumwa n'amagambo by'Abategetsisi hamwe n'ibibazo by'abajе mu nama.

Dore uko amagambo yakurikiranye.

- I. Ijambo rya Bwana Perefe wa Perefegitura Kibuye
- II. Ijambo rya Nyakubahwa Bwana Minisitiri w'Intebe
- III. Ubutumwa bw'abahagarariye amashyaka mu nama
 - 1o - M.R.N.D. yavugiye na Maitre KAREMERA Edouard, Vice Perezida wa Mbere w'Ishyaka rya M.R.N.D. mu rwego rw'Igihugu.
 - 2o - M.D.R. yavugiye na Dr MUREGO DONATI, Umunyamabanga Mukuru w'Ishyaka rya M.D.R. mu rwego rw'Igihugu.
 - 3o - P.S.D. yavugiye na Bwana NDINDABAHIZI Emmanuel Minisitiri w'Imari akaba na Perezida na P.S.D. MURI Kibuye.
- IV. Ibisubizo bya Nyakubahwa Minisitiri w'Intebe ku bibazo byo mu ijambo rya Perefe.
- V. Ibibazo n'ibisubizo byahawe abaje mu nama.
- VI. Ijambo ry'umwe mu baje mu nama wavuze mu kigwi cyabo.
- VII. Ijambo rya Bwana Perefe wa Perefegitura Kibuye risoza inama.

Inama yatangiye imirimo yayo saa yine n'iminota cumi n'itanu.

I. IJAMBO RYA BWANA PEREFE WA PEREFEGITURA KIBUYE.

Mu ijambo rya Bwana Perefe yifuriye Nyakubahwa Bwana Minisitiri w'Intebe kuza neza muri Kibuye hamwe n'abamuharekeje, amusaba kuzahagaruka igihe cy'amahoro kugira ngo bazamubwire imiterere yayo, kuko muri iki gihe nta kindi cyavugwa kitari ugushaka umutekano.

Perefe yavuze muri make ingorane zabonetse muri Kibuye mu myaka ya 92 na 93 zaranzwe n'isubiranamo ry'amoko, itwikwa ry'amazu n'amakawa,

...../.....

ikomeretsa n'iyica ry'abantu, amakimbirane mu mashyaka bise kubohoza hamwe n'ihunga ry'abagogwe bisutse muri Rutsiro na Mabanza mu mpera z'umwaka wa 1992. Ibindi byago na n'ubu bikiri muri Kibuye ni inzara n'indwara z'ibyorezo.

Yashimiye Leta n'inzego z'Ubutagetsi n'abagiraneza bafatanije kugarura umutekano bakoresha inama, batanga imfashanyo kandi ashimira n'abaturage bazikurikije ku buryo bongeye kwita ku mirimo yabo basanganywe mu gutsura anajyambere mu by'ubukungu.

Perefe yasobanuye ko nyuma y'urupfu rw'umukuru w'Igihugu wivuganywe n'abanzi ku wa 6 Mata 1994, ingorane zongeye kuboneka havuka imvururu zakuruwe n'agahinda abaturage batewe n'urupfu rwa Perezida bituma hashya amazu, hasahurwa ibintu ndetse n'abantu baricana. Nyuma y'inama nyinshi zo guhosha ubwo bugizi bwa nabi, ubu umutekano utangiye kugaruka ku buryo ku wa 25 Mata 1994 abakozi bongeye kugaruka ku mirimo yabo isanzwe.

Perefe yashyikirije Minisitiri w'Intebe ibibazo biteye ingorane muri Kibuye kugira ngo umutekano utangiye kuboneka ushobore kubungwabungwa.

Ibyo bibazo muri make ni ibi:

- 1o Hari imirimo idashobora gutangira kuko abakozi bayo batazaboneka.
- 2o Umuco mubi w'ubwaganyu no kwihorera waje mu baturage
- 3o Hari abajandarume bamwe bahohotera abantu babaka amafaranga ubundi bagapfa ibisahurano.
- 4o Amakimbirane aterwa no kugabana imirima, amazu n'ibintu by'abadahari
- 5o Kugarura ibikoresho rusange byasahuwe
- 6o Kubura ibikoresho by'ibanze mu kazi ka Leta: nk'impapuro na lisansi
- 7o Imishahara y'abakozi yaratinze.

Perefe yashoje ashimira abagize amashyaka ari muri Guverinoma uburyo bashyizeho Perezida wa Repubulika na Guverinoma, yemeza ko abanyakibuye bose bashyigikiye izo nzego zatumye u Rwanda rudahera mu gihirahiro.

II. IJAMBO RYA NYAKUBAHWA BWANA MINISITIRI W'INTEBE.

Ijambo rya Nyakubahwa Bwana Minisitiri w'Intebe ryari rikubiye mu ngingo eshatu zikurikira:

- 1o Amabwiriza yo kugarura umutekano mu gihugu akubiye mu ibaruwa ye No 007/02.3.1994 yo ku wa 27 Mata 1994 yohererejwe abaperefe bose b'u Rwanda.
- 2o Ubutumwa Guverinoma y'u Rwanda yoherereje F.P.R. kugira ngo barebere hamwe uburyo intabara yarangira.
- 3o Umirwano ugeze muri iki gihe n'icyakorwa ngo ishobore kurangira.
- 1o ya 1: Mu ngingo ya mbere Nyakubahwa Minisitiri w'Intebe Bwana KAMBANDA Yohani yasobanuriye abari mu nama ko henshi mu gihugu hamwe inyandiko zemeza ko F.P.R. yari ifite ingabo yatoje ziri mu mitwe y'ibikorwa Brigade kandi izo brigade zikaba zari mu makomini yose y'u Rwanda.

...../.....

Mu gihe F.P.R. yatangiraga kurasa ngo yigarurire Kigali ni bwo izo brigades zayo zashoje imvururu mu makomi yose y'u Rwanda, ariko ingabo z'igihugu zahise zitabara ziburiza mo uwo mugambi mubi wo kudufatira ku ngufu igihugu. Amabwiriza yo kugarura umutekano yasobanuye ari ku mugereka w'iyi nyandikomvugo.

Ingingo ya 2: Ku byerekeye ubutumwa Guverinoma y'u Rwanda yoherereje F.P.R. kugira ngo intambara ihagarare, Nyakubahwa Minisitiri w'Intebe yabubwiye abari mu nama mu magambo akurikira;

- Ntabwo F.P.R. ikwiriye kwigomba kuzabonana n'Ingabo z'u Rwanda yirengagiza Guverinoma kandi ari yo zikorera.
- F.P.R. YITWAZA KO ARI UMUTWE WA Politiki ikaba n'umutwe w'ingabo bigatuma ishaka kuduhenda ubwenge ngo iduce mo ibice bibili ijye yihererana kimwe kimwe ukwacyo ishobore kutuganza. Ntabwo ayo mayeri yayo tuzayemera igomba kumenya ko Guverinoma y'u Rwanda ari yo ihagarariye abaturage igahagararira n'Ingabo z'igihugu.
- Guverinoma y'u Rwanda yemera gusinya amasezerano yo guhagarika intambara, ariko F.P.R. igomba gusubiza ingabo zayo mu birindiro by'aho zahoze zitamongera gushoza imirwano.
- Abasirikare ba F.P.R. 600 bari muri Kigali baje kurinda abategetsu babo bagomba gusubira ku Murindi aho abo bategetsu basigaye baba kuko nta mpamvu igaragara yatuma bahama muri Kigali nta kazi bahafite.
- F.P.R. niyemere intumwa mpuzamahanga zizaze kureba abakora ubwicanyi mu nzirakarengane, n'abaharanira kugarura umutekano.

Kuri iyi ngingo y'ubwumvikane bwa F.P.R. na Guverinoma y'u Rwanda. Nyakubahwa Minisitiri w'Intebe yavuze ko nta na rimwe Guverinoma y'u Rwanda izongerera kwemera ibyitso by'inkotanyi biyikorera mo. Yavuze ko Guverinoma y'u Rwanda ari iy'abanyarwanda, abashaka gufasha F.P.R. bazayisange ku Murindi bazazane na yo yemeye kuza muri Guverinoma yaguye nizemera kuyijyamo.

Yasabye abanyapolitiki bicecekeye ko bagomba guseruka bakagaragara, bakavuga niba baharanira inyungu z'abaturage cyangwa se niba babogamiye ku bitekerezo by'inkotanyi kuko utazagaragaza icyo atekereza atazazanwa gusa no gushaka imyanya mu gihe igihugu kizaba kimaze kugaruka mu amahoro.

Ingingo ya 3: Aho intambara igeze ubu.

Mbere yo gusobanura iyi ngingo Nyakubahwa Bwana Minisitiri w'Intebe yamenyesheje abari mu nama uburyo F.P.R. itinya cyane abaturage. Ntishobora gukoresha mitingi kuko izi neza ko rubanda batakwishimira abantu bayo. Ariya mayeri yayo yo gucengeza ingabo mu giturage zarasa rubanda rwose rugahunga yaravumbuwe. Guverinoma y'u Rwanda yatangiye gahunda yo kwigisha abaturage kwirengera bagahangana na zo ari byo bita Défense civile. F.P.R. yo irwanya ubwo buryo nyamara ni bwo twemeje ko bwaganza biriya bitero shuma birwana ku buryo bwa gerira. Muri buri segiteri hazatoranywa abasore hagati y'icumi na 20 bazatozwa bahabwe n'ibya ngombwa bifasha abaturage guhashya inkotanyi aho kumva amasasu bagahita bahunga kandi birukanywe n'agatsiko k'inkotanyi katabarusha imbaraga.

Mu gusobanura aho intambara igeze ubu, Nyakubahwa bwana Minisitiri w'Intebe yavuze uko biteye muri buri karare k'imirwano.

- Ku Gisenyi: Bahagaze neza cyane kuko n'Igihugu cya Zaire cyatwemereye ko kitazareka inkotanyi zidutera ziturutse iwabo kandi bwa buryo bwo guhangana n'umwanzi abaturage baho batangiye kubukoresha.
- Mu Ruhengeri: Ingabo z'u Rwanda zifashe neza ku buryo zacumye umwanzi zikamurenza Zone tampo none akaba asigaye abarizwa mu makomini atatu gusa ari yo Butaro, Kidaho na Cyeru. Abaturage baho n'abasirikare biteguye ko amabwiriza natangwa bazamuminura i Bugande.
- Muri Byumba: I Byumba habanje gutinda gato kugira ngo bashake inzira bahungishirizamo abanyeshuri 1000 bari bagotewemo. Ubu ingabo z'u Rwanda zashoboye kubageza i Shyorongi kandi ni zo zicunga umugi wa Byumba. Ubwo abo banyeshuri bari bateye ikibazo bahavuye, ingabo z'u Rwanda zizashushubikanya inkotanyi zizihirikane.
- Mu Mutara: F.P.R. yagabye udutero shuma twagiye turasa abaturage bikanga bagahunda. Ubu ingabo z'u Rwanda ziri mu kwisuganya nizihatera zizahaboza nta kabuza.
- Kigali: Inkotanyi zavuye muri C.N.D. zitera i Remera. Zirigamba ko zafashe Kacyiru, Remera, Kagugu ku bitaro by'Umwami Fayisari na Rebero. Aho hose zahahawe n'amayeri yo kwikinga inyuma ya MINUAR ku buryo ingabo z'u Rwanda zibura uko zibarasa; zanga kuba zagusha amasasu mu bigo by'ingabo z'Umuryango w'abibumbye. Haracyigwa uburyo bwatuma MINUAR itazakomezwa kuzikingira ahasigaye akazo kakazashoboka.

Nyakubahwa Bwana Minisitiri w'Intebe yashoje iyi ngingo asaba abari mu nama ati: Nimwirinde impuha z'iterabwoba, mwumve neza, murebe kandi mushishoze, ntimugakangwe n'ubusa ngo muve mu byanyu, inkotanyi tuzazirwanya kandi tuzazitsinda.

III. UBUTUMWA BW'ABAHAGARARIYE AMASHYAKA MU NAMA:

1. M.R.N.D. yavugiye na Maître KAREMERA Edouard.

Mbere yo gutangira ijamba risohoza ubutumwa bw'ishyaka yari ahagarariye, yasabye abari mu nama bese guhaguruka no kuzirikana bucece mu gihe cy'umunota umwe Perezida HABYARIMANA wishwe n'abanzi b'u Rwanda we aharanira amahoro.

Mu butumwa yatanze, yabanje gushimira Nyakubahwa Minisitiri w'Intebe Bwana KAMBANDA Yohani ko yagendereye Perefegitura yacu ayizaniye ubutumwa bw'amahoro kandi yamusabye kuzadushimira Guverinoma ayoboye anayimenyesha ko abanyakibuye tuyishyigikiye.

Yakomeje ubutumwa aherereye kw'itangazo ryo ku wa 10 Mata 1994 amashyaka ari muri Guverinoma yoherereje abanyarwanda bese. Muri iryo tangazo, amashyaka agize Guverinoma aramenyesha ko:

...../.....

- Abantu bose bagomba guhana amahoro no kwirinda umwiryane
- Guverinoma yemeye kuzahamba abaselire ariko na bo bagomba gukaza umurego mu gukora no kubahiriza umutekano.
- Amashyaka ari muri Guverinoma ashimira cyane ubutwari bw'ingabo z'u Rwanda kandi arasaba abaturage bose kuzitera inkunga.
- Arashimira abayoboke b'amashyaka yabo bafatanije gushyiraho Guverinoma yo kuvana u Rwanda mu gihirahiro.

Maitre KAREMERA kandi yemeyesheje abari mu nama ko n'andi mashyaka yo mu Rwanda atari muri Guverinoma yemeye kandi yashyigikiye Guverinoma ya KAMBANDA Yohani uretse ya yandi asanzwe azwi ko yiyeguriye F.P.R.

Amaze kuvuga ubutumwa amashyaka agize Guverinoma yoherereje abanyarwanda bose, yakomeje amenyesha abagize inama uburyo Ishyaka rya M.R.N.D. ryakoze kugira ngo umutekano ugaruke mu gihugu. M.R.N.D. yaharaniye amahoro yandika amatangazo agenewe abarwanashyaka bayo n'abandi baturarwanda bose bifuriza u Rwanda amahoro. Ayo matangazo yakurikiranye atya:

- Ku wa 11 Mata 1994 M.R.N.D. yoherereje abarwanashyaka bayo ubutumwa bwo kubahumura no kubasaba kuzirikana umurage mwiza twasigiye na HABYARIMANA wo guharanira amahoro mu Rwanda.
- Ku wa 23 Mata 1994 M.R.N.D. YASOHUYE ITANGAZO RYO GUSHYIGIKIRA Ingabo z'u Rwanda, isaba abanyarwanda bose ariko cyane cyane abarwanashyaka bayo ko bakaza umurego mu gushyigikira ingabo no gushyigikira ibikorwa bya Guverinoma bigamije kugarura ituze n'umutekano mu gihugu.
- Ku wa 25 Mata 1994 hasohotse itangazo ryo gushyigikira interahamwe no kuzishimira uruhare zagize mu gikorwa cyo kugarura amahoro mu gihugu zifataniye n'Ingabo z'u Rwanda.
- Ku wa 27 Mata 1994 M.R.N.D. yoherereje abarwanashyaka ubutumwa bwerekana uruhare ishyaka ryabo ryagize mu gushyiraho guverinoma hamwe n'ibyakozwe byose ngo amahoro n'umutekano bigaruke mu Rwanda. Muri ubwo butumwa hari ibikorwa bisabwa abayobozi b'ishyaka kugeza no ku bo mu nzego z'ibanze, hari n'ibisabwa abarwanashyaka bose kugira ngo buri wese agire uruhare mu guharanira amahoro y'iki gihugu.

Amaze kumenyesha abari mu nama ibikubiye muri ayo matangazo n'ubutumwa ishyaka ahagarariye ryohereje abarwanashyaka baryo, bakurikijeho ubutumwa bwihariye bugenewe interahamwe za M.R.N.D.

Ubwo butumwa burakangurira interahamwe gukomeza umurego wo kuvumbura, gukumira no kurwanya umwanzi zifataniye n'urubyiruko rwo mu yandi mashyaka ashaka amahoro y'u Rwanda. yazisabye kuzaba nyambere mu kwitabira kiriya gikorwa cyo kurengera u Rwanda (Défense civile) kandi zikajya zifata mpiri umwangizi wese uzahemukira rubanda yikingirije imyambaro yazo.

Mu gusozza ubutumwa bw'ishyaka rya M.R.N.D., Maitre KAREMERA Edouard yasabye Guverinoma kwita ku kibazo cy'ibintu bitagifite bene byo none abaturage bakaba batangiye kubirwanira mo. Yasabye ko Guverinoma yakwihutira gutanga amabwiriza azafasha abategetsu gucunga neza ibintu by'inkungu ntibizashyambiranye abaturage. Yasabye ko n'abaturage bagombaga gukora inama zava mo ibitekerezho bizafasha abategetsu kuzabigena mu buryo bunejeje rubanda.

Yarangije ashimira cyane Nyakubahwa Minisitiri w'Intebe uburyo atanga ubuhanga adaciye ku ruhande, akaba avugira ku mugaragaro kandi yeruye ku buryo bitazarushya abaturage kumva neza icyo Guverinoma ayoboye agamije. Yamusabye ko ituze nirigaruka yazafasha Kibuye gusubukura imitege y'imishinga y'amajyambere yadindijwe n'iyi intambara.

2. M.D.R. Yavugiye na Dr MUREGO Donati, Umunyamabanga wayo Mukuru mu rwego rw'Igihugu.

Intumwa ya M.D.R. Dr MUREGO Donati, yabanje gushimira Nyakubahwa Minisitiri w'Intebe kubera ubutumwa bw'amahoro yagejeje ku banyakibuye, hanyuma ashimira na Perefe wa Perefegitura Kibuye kubera amagambo yavuze arema abantu agatima n'ayandi agaragaza urugomo rugikururana ari na rwo iyi nama igamije gucubya.

Amaze kumenyesha abagize inama ko ubutumwa bw'ishyamba ahagarariye bugenewe abarwanashyamba baryo ku buryo bw'umwihariko, ariko akaba asaba n'abandi banyarwanda barukunda koko kubwumva no kubwitaho. Dr MUREGO ati:

- Igaruka ry'ituzwe rirava mu nama nk'iyi twaje mu n'izindi zizakomeza kuremeshwa n'abategetsi n'abayobozi b'amashyamba batanga ihumire.
- Abantu batangiye kumva ko kwica, gusahura no guhohotera abandi atari byo bizakiza igihugu.
- Bariyeri ntizashyirweho guhahira abazirinda ngo bahavane amaramuko, zigamije kugenzura abazerera mu karere no kumenya niba atari abanzi b'amahoro.
- Ufashwe wese ntagomba kugirirwa nabi, ukekwe ko yaba ari inkotanyi cyangwa ikitso cyazo ashyikirizwa ubutegetsi kuko ari bwo bwemerewe guhana abanyabyaha.
- Nk'uko Minisitiri w'Intebe yabivuze, umwanzi w'u Rwanda ni F.P.R. n'ibitso bye, umututsi wese si we cyitso.
- F.P.R. ntizongera kugira ibitso mu butegetsi bw'u Rwanda kuko bushingiye kuri Repubulika na Demokarasi.
- Abarwanashyamba bacecetse nibagaragare. Nibereye bavugire abaturage cyangwa se niba bashyigikiye F.P.R. baracyafite igihe.
- Bamenye ko ntawe usarura aho atabibye, ni yo mpamvu bagombaga gukora.
- Muri M.D.R., bamenye ko izirana n'uburyarya. Nibareke kuba ibirumira habiri no gutana, nibereye bagaragaze icyo bemera.
- Muri M.D.R. twirinde imvugo yo gushyamiranya uturere, twirinde kutumvikana n'andi mashyamba kuko iki gihe atari icyo gushyamba abayoboze ahubwo ni icyo gutabara u Rwanda twese dushyize hamwe.
- Urubwiruko rwacu nirufatanye n'urw'andi mashyamba akunda u Rwanda nyabyo kuko dutahiriza umugozi umwe.
- Ibikorwa by'amashyamba muri iki gihe ni ibyo kunganira Guverinoma n'Ingabo z'Igihugu, nibumvire kandi bunganire ubutegetsi kuko batemerewe kubusimbura.

KO248668

- 7 -

3. P.S.D. Yavugiwe na Minisitiri NDINDABAHIZI Emmanuel, akaba Perezida wa P.S.D. mu rwego rwa Perefegitura Kibuye.

Minisitiri NDINDABAHIZI yatangiye ubutumwa bw'ishyaka rye agira ati: Nibutse ko byagaragaye noneho; ntituzongera gushukwa.

- F.P.R. iti Guverinoma y'u Rwanda yatubujije gutaha. Bimaze kumenyekana ko ibeshya kuko u Rwanda rutigeze rwanga ko bataha, iti nta Demokarasi iba mu Rwanda. U Rwanda rumaze kwemera amatara ngo demokarasi yerekane ikifuzo cya benshi ~~benshi~~-biba birayiyobeye!!!
- F.P.R. yashatse kwanga imishyikirano yongera gutera ibanje kwica Perezida wa Repubulika. Mu bayoboke bayo havumbuwe inyandiko zateguye intabara zo muri 93 n'izo mu ntangiriro za 94. icyo gihe abanyarwanda twe twari turangamiye amahoro y'Arusha na ho bo bari mu myiteguro y'intabara yo kuzatumara.
- Mu mashyaka akomeye yo mu Rwanda bagize mo ibyitso kandi batuma acika mo ibice. Byagaragaye ko F.P.R. itashakaga isaranganywa ry'Ubutegets, ahubwo yari yagennye kubwikubira bwose uko bwakabaye. Mu gutegura abazayirwanira, bari barihimbye amazina y'ibyvugo ku rugamba kugira ngo mu gihe bahamagaranye tujye tuyoberwa uwo bavuze.
- F.P.R. yashatse ko kuva mu Ukuboza 93 kugeza bafashe Ubutegets ntacyo Guverinoma y'u Rwanda izaba ikora, ahubwo ko ari bo bazaba bibereye mu myiteguro yo gufata igihugu. Byaragaragaye muri iyi Guverinoma ihise.
- Nta mutegets w'u Rwanda uzongera kurangara. Iyo abategets b'u Rwanda bataba mo ibyitso ahubwo bakaba abagabo b'interahamwe, ntabwo u Rwanda ruba rwaragombye kugera aha !
- Ntabwo bikiri ibanga inyandiko zarabonetse, muri buri Komini F.P.R. yari ifite mo ingabo zagombaga kuzaturimbura umunsi umwe.
- Ibyabaye byarabaye, nta mutegets uzongera gukorera umwanzi.
- Muri F.P.R. bamaze kwizera ingufu, bashyize ku mugaragaro ko bashaka Minisiteri y'abatutsi, ikaba ari Minisiteri y'Ubutabera.
- Yasabye abayoboke ba P.S.D. ko bafatanyaga n'abandi bagaharanira umutekano w'Igihugu, ntibazakangwe n'uko mu ishyaka ryabo habonetse ibyitso byinshi, no mu yandi mashyaka menshi byarahabonetse kandi ntibizayabuza gukomeza gukora. Yasabye abakombozi kuziyandikisha ari benshi mu bazatozwa kurengera Igihugu.
- Mu gusoza ubutumwa bw'Ishyaka P.S.D., Minisitiri NDINDABAHIZI yasabye abaturage kuvuga hakiri kare umutegets basanga azabaroha, kuko muri iki gihe bigaragara buri wese abo aba avugira, niba ari F.P.R. cyangwa niba ari Guverinoma y'abanyarwanda.

IV. IBISUBIZO NYAKUBAHWA MINISITIRI W'INTEBE YATANZE KU BIBAZO BYO MW'IJAMBO RYA PEREPE.

10 Hari imirimo myinshi yari yarahagaritswe mu cyayenge bategereje ko izasubukurwa F.P.R. imaze gufata ubutegets, bityo bikagaragara ko iyo idafata u Rwanda byose byari kuzasinzira burundu.

.../...

Ni yo mpawvu imirimo yose igomba gutangira, aho abakozi b'ingenzi babuze hagakorwa raporo ibyerekana bagasimburwa, abanze gukora na bo bikagaragara bagakomeza gutegereza igihe F.P.R. izazira mu butegetsi.

- 2o Umuco mubi wo kwihanira nucike burundu. Umwanzi w'ubu si uwo musanzwe mugira icyo mupfa; umwanzi ubu ni F.P.R. Mu gihe cyose azaba atarafasha intwari hasi ngo asinye amasezerano y'amahoro, tuzashyira hamwe tumuranye kandi tuzamutsinda. Mumenye ko F.P.R. yamenyesheje abayoboze bayo ko bagira abanzi bane. Uwa mbere ni M.R.N.D., uwa kabiri ni C.D.R., uwa gatatu ni umu PAWA ishyaka yaba ari mo ryose, uwa kane ngo ni impunzi y'umurundi.
- 3o Abajandarume baba bajya mu busahuzi nibareke kuba wa mukobwa uba umwe agatukisha bose. Abo ni abanzi b'igihugu; Umukuru w'Ingabo yasabwe kuzita kuri icyo kibazo. Hashyizweho Brigade ishinze kuzajya ibafata bakazamburwa intwari bagashyikirizwa ubutegetsi bukababwira.
- 4o Abaturage na bo nibumvireho bareke ubujura bwo gusahura bene wabo. Abantu nibareke gupfa ibintu kuko bifite agaciro gato, bamenye ahubwo ko amahoro atabonetse ntacyo byazabamarira. ubutegetsi bugomba gukora ibarurira ry'imitungo yose idafite bene yo kugira ngo izagenerwe uburyo izakoresha.
- 5o Ibintu bya rusange ababijyanye bihutire kubigarurira ubutegetsi kuko kubiheza ari ugusenyi igihugu bakirimo.
- 6o Ibikorwa byarabuze ariko uduke tubonetse Minisitiri w'imari azagerageza kujya adusaranganya neza ku buryo na Kibuye itaburaho. Lisansi isigaye yarahariwe ingabo, abashinzwe umutekano n'abahahira abaturage ibyo kubatunga. Imodoka za Leta n'izi'imishinga ziri muri Perefegitura nizireke indi mirimo zidufashe kurwana iyi ntambara, amahoro naboneka ni bwo ibikorwa zari zishinzwe bizongera gusubukurwa.
- 7o Imishahara y'abakozi yari yabonetse y'ukwezi kwa gatatu, nyamara intambara yateye impapuro zayo zitaragera mu mabanki bahemberwa mo. Minisitiri w'Intebe yabasabye kwihangana kuko imibonano yagiranye n'abayobozi b'amabanki ituma bizera ko amafaranga azagera kuri beneyo vuba.
 - Kuri iyi ngingo Minisitiri w'imari yijeje abari mu nama ko n'imishahara y'ukwezi kwa kane izaboneka, ariko abakoresha bagomba kumenyesha Leta abakozi bakiri mu kazi kabo bakaba ari bo bazoherezwa amafaranga. Yashoje abibutsa kutazibagirwa gutanga umusanzu w'Ingabo z'u Rwanda.

V. IBIBAZO N'IBISUBIZO BYAHawe ABARI MU NAMA.

1. Q.- Hari abaturage benshi bashishikajwe no kumenya amakuru y'u Rwanda nyamara ntibibashobokere kuko amaradiyo yabo atagira umurongo wa F.M., kandi uwa SW ntukivugira mo Radio Rwanda. Ntacyo Leta yakora kugira ngo Radio-Rwanda yongere kuvikanira hose ?
 - Umwe mu bari mu nama yashinye uburyo Radio-Rwanda isigaye itangaza amakuru kandi igashyigikira abanyarwanda n'ingabo zabo; mbese abayunva bishimiye ko yabohowe: Barifuza ko yajya ibagezaho n'icyo amaradiyo y'amahanga aruvugaho kuko hari abanyarwanda benshi batayiyumvira.

...../.....

- R. - Ibibazo bya Radiyo no gutumanaho: Umwanzi waduteye yihatiye kudusenyerera uburyo bwo gutumanaho agira ngo aduheze mu bwigunge. Niyo mpawvu inkotanyi zihutiye gafata Jari na Nyanza yo hafi ya Rebero kugira ngo zisenye ibyuma byadufashaga gutumanaho n'amahanga. Ibyari byashenywe i Jari byarasanwe ariko gutumanaho n'amahanga twabigezeho twifashishije incuti zatumye u Rwanda rubona umurongo warwo kuri satellite y'itumanaho badashobora kongera gusenya. Ku kibazo cy'amaradiyo atagira F.M., umurongo wa SW wumvikanaga neza twifashishije iminara ya Radiyo y'abadage iri i Kinyinya none insinga zajyanagayo amajwi barazirashe kandi n'abadage bari kubidufasha no barahunze. Ubwo rero abumviraga u Rwanda muri SW bazihangane bajye bavumba Radiyo ifite F.M. kugeza igihe uwo murongo uzasanirwa. Ababishoboye kandi baba baguze izifite F.M. Ku kibazo cy'ishimo bageneye Radiyo yivuguruye bayisaba no kujya ibagezaho ibyo amahanga avuga ku Rwanda, Minisitiri w'Itangazamakuru yijeje abari mu nama ko Radiyo Rwanda izahora yihatira gukora ibinogeye abanyarwanda barukunda, ariko yanavuze ko ibyo batarageraho batabarenganya kuko umubare w'abakozi wagabanutse cyane ku buryo no kubasimbuza abafite ubuhanga ngombwa bitazaba mu gihe kigufi cyane.
2. Q.- Mu Birambo hari ikibazo cy'amabandi azwi neza ariko akaba afite intwano zituma abashinzwe umutekano muri ako karere badashobora kuyahashya no kuyafata ngo ahanwe.
- R.- Perefe yasabwe kwifashisha Gendarmeri ya Kibuye bagafata ayo mabandi bakayashyikiriza inzego z'ubucamanza, byananirana Gendarmeri ya Kibuye ikaba yakwitabaza Minisitiri w'Ingabo akabongerera ingufu n'ibikoresho ngombwa.
3. Q.- Abari mu nama bababajwe n'uburyo MINUAR isa n'ishyigikiye F.P.R., ndetse n'ababiligi bakoreraga inkotanyi ku mugaragaru bamaze kugenda zikomeza kwihisha inyuma y'ibirindiro bya MINUAR. Mbese kurega MINUAR icyo gikorwa ntibyashoboka ?
- Ikirego u Rwanda rwareze Ububiligi Gouvernement y'u Rwanda izemera kugisibisha nk'uko Ububiligi bwabyifuje ?
 - Ko Generali Daller yabaye icyitso cya F.P.R. kuki ataregwa ngo aye ino !
 - Kuki u Rwanda rutarega u Bugande mu muryango w'Abibumbye ngo badukize Museveni ko ari we ugiye kutumarisha inkotanyi ?
- R.- Ku kibazo cyo kurega MINUAR Minisitiri w'Intebe yavuze ko yabonye na Daller akamubwira ko F.P.R. yifatiye ibirindiro inyuma ya m 500 uvuye ku bigo bya MINUAR. Ntabwo rero MINUAR yababirukana keretse ingabo z'u Rwanda arizo zishoboye kuhabavana kuko na zo iyo zihifatira mbere ntawari kuzibuzwa. Ubwo rero n'ubwo MINUAR izikingiye usanga nta cyaha yashinjwe. Abari mu nama basabye Minisitiri w'Intebe kuzashaka uburyo ahubwo MINUAR yahindurirwa icyicaro ntikomeze kuba ingabo yo gukingira abo bagome.
- Ntabwo u Rwanda ruzasibisha ikirego rwareze Ububiligi kuko gifite ishingiro kandi rukaba rudakangishwa. Ububiligi buzisobanura mbere y'urugaga mpuzamahanga ukuntu Perezida wacu yiciwe ku kibuga bari barinze ntibashobore no gusobanura icyo bakoze ngo adapfa kandi yarazize abantu batari kure yacyo.

KD248671

- Ku kibazo cya Daller, tumenye ko F.P.R. na yo iri mu kwanga Bobo wadukoreraga neza. Ubwo twinubira Daller kandi bigaragara ko MINUAR ayoboze ntacyo yakozwe, uwasaba ko ajyana n'abo yayoboraga bese bagasimbuzwa abashya gusa ahari byazemerwa.
- Kurega u Budande si cyo cyihutirwa mbere ya abyose, icyangombwa ni ukwegeranya ibimenyetso bibushinja icyaha kandi u Rwanda rukabona n'ibihugu bizarushyigikira muri urwo rubanza. Ubu rero ni cyo u Rwanda ruri mu gukora, abarwemera bashobora kuzahatira Museveni kutureka, niyanga tumaze kwizera inkunga y'ibindi bihugu twaregeranyije n'ibimenyetso ni bwo twazarega. Kwandikisha ikirego nka kiriya ntibihubukirwa kiritonderwa cyane kuko ushobora no kurega bigafata ubusa kubera ibyo abaregerwa baba batekereza ku gihugu.
4. Q.- Umwe mu bari mu nama yavuze ko intambara ya gerira itagaba ibitero bigaragara ahubwo ikoresha udukiye twihisha mu mashyamba tugapfuruka twica abaturage. icyifuzo cyo kigahura n'icy'undi wasabye ko abafite ingufu bese bahabwa intwari zo guhangana n'izo nyeshyamba, cyane cyane nk'ibigo bya leta bikorerwa muri kimeza.
- R.- Kuri iki kibazo cyo gufasha abaturage kwirwanaho bakoresheje imbunda, igisubizo cyabaye ko muri buri Segiteri hazatoranywa mu abasore bazigishwa bagahabwa n'intwari zo gufasha abaturage kurengera igihugu. Ibigo bya leta na byo bizahabwa uburyo bwo kubirinda. Abashaka intwari zo kwirinda ku giti cyabo bazakomeza kuzisaba mu buryo busanzwe babinyujije ku nama y'umutekano yo muri Prefegitura.
5. Q.- Habajijwe ikibazo cy'uburyo bizagenda ku bantu bafashije F.P.R. none bakaba bakiri mu butegetsi bw'iki gihugu.
- R.- Abafatanije n'umwanzi ku buryo buzwi none bakaba bakiri mu baturage batarikosora bagomba guhambira utwangushye bagasanga izindi inkotanyi ku Murindi bakazagarukana na zo zemeye kuza muri Guverinoma y'inziyacyuho yaguye. Niba hari abakiri mu butegetsi bashyigikiye F.P.R. bagomba kugaragazwa vuba bakava mu.
6. Q.- Ahitwa Rugona mu Bisesero bya Komini Gisovu hari inkotanyi zafunze umuhanda Kibuye-Gishyita-Gisovu ujya i Gikongoro ku buryo n'abanyamaguru ubu batakihagenda. Hasabwe inkunga yo kuzihavana kuko zanyanye abashinzwe umutekano wo muri ako karere.
- R.- Ubutegetsi busabwe gusuzuma neza niba abo bantu atari abaturage bagize ubwoba bakahungira imirwano. Nibubona ibimenyetso bihamye ko ari inkotanyi zifite n'intwari zamerera nabi abaturage, bazatabaze ingabo z'u Rwanda zizajyeye kuhabavana.
7. Q.- Habajijwe ikibazo cy'amabanki y'abaturage menshi adakora muri rusange n'ikibazo cya Banki ya Gishyita yo itazabona n'imfunguzo.
- R.- Minisitiri w'Intebe yavuze ko yabonye n'abayobozi bayo bakamwizeza ko zizakora vuba kandi n'imfunguzo za Banki ya Gishyita ngo zarabonetse mu biro by'ubugenzuzi. Ubwo rero ni ukwihangana ntibizatinda.

...../.....

K0248672

- 11 -

8. Q.- Umwe mu bari mu nama yifuje kumenya neza Itegeko ryakurikijwe mu gushyiraho Perezida wa Repubulika , undi abaza igihe kizashira ngo twitorere burundu niba inkotanyi zikomeje kwinangira zanga kuza mu nzibacyuho yaguye.

R.- Perezida wa Repubulika Nyakubahwa SINDIKUBWABO Théodor yagiyeho ku buryo bukurikije amategeko, kuko ingingo ya 42 y'Itegeko-Nshinga rya Repubulika y'u Rwanda ryo ku wa 10 Kamena 1991 riteganyaga ko iyo Perezida wa Repubulika abuze cyangwa agize impamvu zimubuza gukora imirimo ashinzwe yo kuyobora igihugu, asimburwa by'agateganyo na Perezida w'Inama y'Igihugu Iharanira Amajyambere.

Hakurikijwe amasezerano amashyaka ari muri Guverinoma yagiranye, ishyamba rya M.D.R. ryatanzeho KAMBANDA Kandida wo kuba Minisitiri w'Intebe yemerwa n'Amashyaka yose agize Guverinoma kugira ngo asimburwe Minisitiri w'Intebe UWIRINGIYIMANA Agata. Kuba F.P.R. itemera Guverinoma yashyizweho na Nyakubahwa Minisitiri w'Intebe KAMBANDA Yobani ntacyo bitwaye kuko atari f;p;r; ikorera, ahubwo ikorera abanyarwanda kandi barayemeraga. F.P.R. rero ntacyo biyirebaho kuko itari mu mashyaka yayishyizeho, yo izagira ijamba muri Guverinoma y'Inzibacyuho yaguye.

Ku kibazo cy'igihe tuzatorera Perezida wa Repubulika F.P.R. nikomeza kwinangira, igisubizo ni uko igihe cya Perezida w'agateganyo kizongerwa kugira ngo Guverinoma iriho ubu igoragoze F.P.R. irebe ko yakwemeraga kuza mu nzibacyuho yaguye. Ikindi kizakorwa ni uguturira undi Perezida w'Inama y'Igihugu Iharanira Amajyambere kuko izakomeza imirimo yayo kugeza igihe Inteko Ishinga Amategeko yaguye izagiraho nk'uko bivugwa mu ngingo ya 9 y'Amasezerano y'Arusha yo ku wa 4 Kanama 1993 avugaga uburyo ibyemejwe mu masezerano bizashyirwa mu bikorwa. Nyuma y'igihe ngombwa kizabwa gihagije ngo tube twiteguye, abanyarwanda bashobora kuzitorera Perezida bakurikije amategeko asanzwe abagenga kuko ubwo amasezerano y'Arusha azaba yataniranye ngo na F.P.R. ize mu butegetsi bw'u Rwanda.

9. Q.- Umwe mu bagize inama yavuze ko muri Kibuye hari ingorane nyinshi zishingiye ku bwigunge bwo kudashobora gutumanaho byihuse, bityo imbabare zihari zakaba zazatinda kugobokwa.

R.- Igisubizo ni uko Ubutegetsi bwa Perefegitura bwifashishije Service zimenyaga imbabare bwakora raporo vuba igaragaza imbabare zihari zigomba gufashwa bukayohereza Guverinoma hagira ikiboneka na bo bakazazirikanwa.

10. Q.- Hari umurwanashyamba wa M.D.R. wifuje ko na yo yakwandikira ku mugaragaro amabwiriza n'ubutumwa bigenewe abarwanashyamba bayo.

R.- Igisubizo ni uko amabwiriza n'ubutumwa bidatangwa mu nyandiko gusa, n'iyi abantu baganira bari no mu nama nk'iyi ubutumwa buratangwa. Yasabwaga kuba yumvise ubutumwa bwatangirwe muri iyi nama, ahubwo urugero ku byavuzwe na Dr MUREGO, akaba agomba kuzabigera no ku bandi bese bizabwa ari ingirakamari. Nta matangazo yanditse agomba gutegereza si ngombwa.

..../....

11.Q.- Habajijwe ikibazo cy'igihe tuzavira mu cyunamo n'igihe Umukuru w'Igihugu azashyngurirwa.

R.- icyunamo nikirangira imirimo izakomeza uko bisanzwe. Gushyingura Umukuru w'Igihugu bizategereza igihe umutekano uzaba umaze kugarukira kugira ngo azaherekeranywe icyubahiro n'abamukundaga bose bazabe bahari batikanga amasasu.

VI. IJAMBO RY'UMWE MU BAJE MU NAMA.

Mu kigwi cy'abari mu nama, ijambo ryafashwe na Burugumesitiri wa Komini Bwakira KABASHA Tarisisi kuko ari we Mukuru mu ba Burugumesitiri ba Kibuye. Yashimiye Nyakubahwa Minisitiri w'Intebe na Guverinoma y'abatabazi ayoboye kuba baragobotse igihugu no kuba ubwe yaje kuduhumuriza. Yamwijeje ko abanyakibuye tubari inyuma tukaba dushyigikiye intego z'iyo Guverinoma, tukaba tubahaye umutima wacu n'amaboko yacu kugira ngo bizayifashe kugera ku ntego yiyemeje.

Twiyemeje gufatanya nk'uko n'abagize Guverinoma bafatanyije, dushimye uburyo Guverinoma yemeje bwo gufasha abatwage kurwanya umwanzi, twizeye gutsinda iyi ntambara kuko amayeri ya F.P.R. atazaruta ubwenge bw'abanyarwanda bafatanijirije hamwe.

Yarangije yifuriza Nyakubahwa Minisitiri w'Intebe kuzakomeza kuyobora Guverinoma na nyuma y'intambara, bityo akazafasha abanyakibuye gusubukura imishinga y'amajyambere yadindijwe n'ibi byago turi mo.

VII. IJAMBO RYA BWANA PEREFE RISOZA.

Iyi nama ibaye ihuje n'izo twakoreye mu makomini ndetse no mu masegiteri. Ubwo bizwi neza ko umwanzi wacu ari F.P.R., ababonye ibimenyetso byose byerekana umugambi wazo muzabizanzira ubutegetsu. Inyandiko bakoze, ibitabo bikubiye mo imigambi yabo, amabendera n'ibindi.

N'ubwo turi mu ntambara, twihatire gukurikiza amategeko kandi abakozi b'Ubutabera bahaguruke bafate abafite umutima mubi n'ubwangizi. Abafite ibintu bya leta bihutire kubigarura kuko nibatinda bizasakwa bikagaruzwa ku ngufu. Ntawigabira isambu ahubwo ayigabirwa n'ubutegetsu.

Nimusubire mu kazi buri wese akore ibyo ashinzwe. Dufatanye twese kubungabunga umutekano, impamvu zidutanya tube tuzihoreye.

Perefe yasabye ko telefoni zirebana no kubahiriza umutano zafungurwa, nibura kuri Perefegitura hakaba nk'eshatu n'imwe muri buri Komini.

Yashimiye Nyakubahwa Minisitiri w'Intebe kuba Guverinoma ye yarazirikanye ubukene bw'abakozi Perefegitura Kibuye yari isanganywe ikaba yarayihaye abasuperefe batatu, akaba yizeye ko n'ibindi bizaza buhoro buhoro.

...../.....

K0248674


- 13 -

Yasabye ko abayobozi b'imirimo bahura n'abo bayobora bagakorana inama zungura ubutegetsi ibitekerezo.

Yashoje ashimira Nyakubahwa Minisitiri w'Intebe n'abamuherekeje kuba bagendereye Kibuye, hanyuma abifuriza kuza kugira urugendo rwiza rw'itaha.

Inama yashoje imirimo yayo saa cyenda n'iminota icumi.

Umuyobozi w'Inama
Perefe wa Perefegitura Kibuye
Dr KAYISHEMA Kelamati



Umwanditsi w'inama
BUGINGO Yozefu.-

UMUGERUKA

ABAJE MU NAMA Y'UMUTEKANO YA PEREFEGITURA KIBUYE YAYOBWE NA NYAKUBAHWA BWANA MINISITIRI W'INTEBE KU WA 3 GICURASI 1994

001. KAMBANDA Yohani, Minisitiri w'Intebe
002. KAYISHEMA Kelementi, Perefefe wa Perefegitura kibuye
003. NDINDABAHIZI Emmanuel, Minisitiri w'Imali
004. NIYITEGEKA Eliezer, Minisitiri w'Itangazamakuru
005. KAREMERA Edouard, Vise Perezida wa Mbere w'Ishyaka rya M.R.N.D. mu rwego rw'Igihugu
006. Dr MUREGO Donati, Umunyamabanga Mukuru wa M.D.R. mu rwego rw'Igihugu
007. MUNYAMPUNDU Sipiriyani, Umunyamabanga Mukuru mu Nama y'Igihugu Iharanira Amajyambere
008. SEBITABI Alphonse, Depite mu Nama y'Igihugu Iharanira Amajyambere
009. TWAGIRUMUKIZA Mariko, Conseiller A.J.A. (Primature).
010. HITIYAREMYE Matiyasi, Responsable Régional du MIFAPROGE à KIBUYE
011. BUGINGO Yozefu, Umukozi wa Perefegitura Kibuye *Prison Kibuye*
012. KABANDANA Déo, Umukozi wa Perefegitura KIBUYE
013. MUSHIMIYIMANA Joram, Directeur Générale d'Air Rwanda
014. UWIMANA J.Baptiste, Sous-Préfet de Sous-Préfecture BIRAMBO
015. HITIMANA Léonard, Médecin Nôpital Kibuye *Deputé*
016. KABASHA Tarisisi, Burugumesitiri wa Komini BWAKIRA
017. RWAGATARE Albert, Sous-Préfet de Préfecture Kibuye
018. BENIMANA Raphaël, Burugumesitiri wa Komini RUTSIRO
019. HAKIZIMANA Froduard, Sous-Préfet de Préfecture Kibuye
020. NDIMBATI Aloys, Burugumesitiri wa Komini GISOVU
021. BAGILISHEMA Ignace, Burugumesitiri wa Komini MABANZA
022. NDUHURA André, Président C.D.R. KIBUYE
023. KAJEGUHAKWA Eliezer, Evangeliste d'Eglise Apostilique KIBUYE
024. KAYONGA Jean-Baptiste, Visiperezida M.R.N.D. KIBUYE
025. FURERE Abel, Burugumesitiri wa Komini RWAMATAMU
026. KARARA Augustin, Burugumesitiri wa Komini GITESI *Prison Kibuye*
027. MURAGIZI Gabriël, Burugumesitiri wa Komini MWENDO
028. SIKUBWABO Charles, Burugumesitiri wa Komini GISHYITA
029. NGABIMANA Alexis, Chef du Service Central de Renseignement
030. GASHONGORE Fabien, Sous-Préfet de Préfecture KIBUYE
031. MUNYANKINDI Phénias, Umujyanama wa Rwabisindu RWAMATAMU
032. HABIMANA Yozefu, Conseiller Communal GISOVU
033. KABERA Bernardin, Président wa M.R.N.D. Commune MWENDO
034. NGIRABABYEYI Etienne, Conseiller Communal GITESI
035. KAMENGERI Dieudonné, Pasteur de L'E.E.P. Commune RUTSIRO
036. NTAVEHO Etienne, Pasteur Représentant Régional wa A.E.B.R./KIBUYE
037. BUREGEYA Froduard, Conseiller Communal GITESI
038. BARAJIGINYWA Barnabas, Perezida w'Ishyaka Parti-Libéral Commune GITESI *E*
039. KAGEMANA J.M.V., Conseiller Communal GITESI
040. UKOBIZABA Emmanuel, Conseiller Communal GITESI
041. MICOMYZA Evode, Directeur du G.S. APAPEGI
042. BAHATI Félix, Encapréjeuma KIBUYE
043. TWAGIRAYESU Tharcisse, Responsable S. F. P. KIBUYE

K0248676

U M U G E R E K A

**ABAJE MU NAMA Y'UMUTEKANO YA PEREFEGITURA KIBUYE YAYOBOWE NA
NYAKUBAHWA BWANA MINISITIRI W'INTEBE KU WA 3 GICURASI 1994**

001. KAMBANDA Yohani, Minisitiri w'Intebe
002. KAYISHEMA Kelementi, Perefefe wa Perefegitura kibuye
003. NDINDABAHIZI Emmanuel, Minisitiri w'Imali
004. NIYITEGEKA Eliezer, Minisitiri w'Itangazamakuru
005. KAREMERA Edouard, Vise Perezida wa Mbere w'Ishyaka rya M.R.N.D.
mu rwego rw'Igihugu
006. Dr MUREGO Donat, Umunyamabanga Mukuru wa M.D.R. mu rwego rw'Igihugu
007. MUNYAMPUNDU Sipiriyani, Umunyamabanga Mukuru mu Nama y'Igihugu Iharanira
Amajyambere
008. SEBITABI ALphonse, Depite mu Nama y'Igihugu Iharanira Amajyambere
009. TWAGIRUMUKIZA Mariko, Conseiller A.J.A. (Primature).
010. HITIYAREMYE Matiyasi, Responsable Régional du MIFAPROGE à KIBUYE
011. BUGINGO Yozefu, Umukozi wa Perefegitura Kibuye
012. KABANDANA Déo, Umukozi wa Perefegitura KIBUYE
013. MUSHIMIYIMANA Joram, Directeur Générale d'Air Rwanda
014. UWIMANA J.Baptiste, Sous-Préfet de Sous-Préfecture BIRAMBO
015. HITIMANA Léonard, Médecin Hôpital Kibuye
016. KABASHA Tarisisi, Burugumesitiri wa Komini BWAKIRA
017. RWAGATARE Albert, Sous-Préfet de Préfecture Kibuye
018. BENIMANA Raphael, Burugumesitiri wa Komini RUTSIRO
019. HAKIZIMANA Froduard, Sous-Préfet de Préfecture Kibuye
020. NDIMBATI Aloys, Burugumesitiri wa Komini GISOVU
021. BAGILISHEMA Ignace, Burugumesitiri wa Komini MABANZA
022. NDUHURA André, Président C.D.R. KIBUYE
023. KAJEGUHAKWA Eliezer, Evangeliste d'Eglise Apostolique KIBUYE
024. KAYONGA Jean-Baptiste, Visiperezida M.R.N.D. KIBUYE
025. FURERE Abel, Burugumesitiri wa Komini RWAMATAMU
026. KARARA Augustin, Burugumesitiri wa Komini GITESI
027. MURAGIZI Gabriël, Burugumesitiri wa Komini MWENDO
028. SIKUBWABO Charles, Burugumesitiri wa Komini GISHYITA
029. NGABIMANA Alexis, Chef du Service Central de Renseignement
030. GASHONGORE Fabien, Sous-Préfet de Préfecture KIBUYE
031. MUNYANKINDI Phénias, Umujyanama wa Rwabisindu RWAMATAMU
032. HABIMANA Yozefu, Conseiller Communal GISOVU
033. KABERA Bernardin, Président wa M.R.N.D. Commune MWENDO
034. NGIRABABYEYI Etienne, Conseiller Communal GITESI
035. KAMENGERI Dieudonné, Pasteur de L'E.E.P. Commune RUTSIRO
036. NTAVEHO Etienne, Pasteur Représentant Régional wa A.E.B.R./KIBUYE
037. BUREGEYA Froduard, Conseiller Communal GITESI
038. BARAJIGINYWA Barnabas, Perezida w'Ishyaka Parti-Libéral Commune GITESI
039. KAGEMANA J.M.V., Conseiller Communal GITESI
040. UKOBIZABA Emmanuel, Conseiller Communal GITESI
041. MICOMYIZA Evode, Directeur du G.S. APAPEGI
042. BAHATI Félix, Encapréjeuma KIBUYE
043. TWAGIRAYESU Tharcisse, Responsable S. F. P. KIBUYE

...../.....

044. NZAMWITA Ezéchiél, Président du Parti M.R.N.D. Commune GISOVU
 045. RUBERANZIZA Martin, Responsable du CPDFP KIBUYE
 046. SEBARERA Théophile, Directeur Centre Scolaire MUKUNGU (GISOVU)
 047. NDAMAGE Telesphore, Directeur Centre Scolaire NYARUTAGARA (GISOVU)
 048. NGEZAHAYO Abidan, Directeur du G.S.M.L. de GISOVU
 049. NTAMATUNGIRO Simon, Umukozi wa Perefegitura KIBUYE
 050. KAGABA Enos, Directeur Adjoint de l'ESI MUGONERO
 051. HITIMANA Jean, Agent de l'U B P R KIGALI
 052. RUZIGANA Michel J. Léonard, Entreprise ECOHYRWA_membre du Conseil
 Préfectoral de Kibuye.
 053. NTAKIRUTIMANA Esdrasi, Directeur wa E S A P A N
 054. NSENGIYUMVA Casimir, Directeur w'Ishuli rya GASENYI
 055. MUNYANEZA J. Bosco, Agent du S F P K
 056. LUHEMBO Christophe, Directeur du Collège Evangilique de la Paix-RUTSIRO
 057. KARERA Augustin, Conseiller au MINESUPRES
 058. SERUBIBI Soter, Responsable wa Cellule A I P K
 059. RWARAKABIJE J. Bosco, Représentant Légal de l'Eglise Evangélique de la Paix
 060. Dr Gérard NTAKIRUTIMANA, Médecin, Hôpital MUGONERO
 061. MUNYANDEKWE Jéovanis, Agent du CO.P.P.M.AR
 062. KUBWIMANA Jean, Agent SONARWA KIBUYE
 063. BISENGIMANA Cyriaque, Président M.R.N.D. Commune GITESI
 064. SIBOMANA Daniel, Chef du Volet Suivi-Evaluation à D R S A
 065. BUGABO Hilaire, Chef du Centre de Pêche de Kibuye
 066. TWAGIRA Charles, Médecin Directeur de la Région Sanitaire KIBUYE
 067. Dr NTEZILIZAZA Eulade, Délégué de l'ONAPO à KIBUYE
 068. IYAMUREMYE Fidèle, Receveur des Douanes KIBUYE
 069. RUTABAGISHA François, RWANDATEL KIBUYE
 070. NIYONSABA Nidocème, I A de joiteur RWANDATEL S A KIBUYE
 071. NTIYAMIRA François, RWANDATEL KIBUYE
 072. UWIZEYIMANA J. Chrysostome, Tribunal de Première Instance Kibuye
 à Birambo. Jugistance
 073. KWIZERA Aaron, Parquet Birambo
 074. MIHIGO Juvénal, Vice-Présidistance KIBUYE
 075. NKUMBUYE Apollinaire, Premier Substitut au parquet KIBUYE
 076. Pasteur NDUTIYE Bernard, Représentant Légal de l'Eglise Evangélique
 Luthérienne au Rwanda
 077. NKILIYE ELdephonse, Responsable Adjoint de la CAPAD
 078. NIZEYIMANA Gabriel, Inspecteur d'Arrondissement Adjoint
 079. KAMANZI Yozefu, Responsable de l'Agence SONARWA KIBUYE
 080. NKAKA Ezéchias, Rév. Pasteur ADEPAR KARENGERA
 081. NKUNDIMANA Théophile, Agent des Postes
 082. NTIBESHA Fidèle, Chef de sce statistique KIBUYE
 083. SAFARI Justin, C.S.R. KIBUYE
 084. NSENGAMUNGU François X., Directeur de l'UGZI
 085. RWABUKWISI, Secrétaire Préfectoral M.D.R. KIBUYE
 086. KARUGEMA Jean, Présicanto, MWENDO
 087. Pr NTAKIRUTIMANA Elizéphan, Président Association de l'Eglise Adventiste
 du 7ème jour B.P. 68 KIBUYE
 088. BUTERA Mathias, Etudiant à l'UNR - CUB/ ING.II AGIRO
 089. NYARUGWIZA Joseph, OCIR - THE GISOVU
 090. NAMUHORANYE Athanase, Division Gestion du Personnel sec. (MINEPRISEC
 091. NDINDABO J. Damascène, P S D KIBUYE
 092. NYANGURUNDI Laurent, Service Agricole KIBUYE
 093. GAHAMANYI Anastase, Directeur ISAR-GAKUTA (GISOVU
 094. MURERA Raphaël, Directeur Adjoint Bibliothèque U.N.R. RUHENGERRI
 095. MASTAKI Albert, Chargé Personnel COLAS

K0248678

- 3 -

096. HABIMANA Tatién, Gérant du Guest House KIBUYE
097. HITIYAREMYE André, Chef Division Domaine MINITRAPE
098. NIYONGIRA Janvier, Inspecteur des Impôts MINIFIN
099. BALIHIMA Jean Damascène, Secrétaire Régional de la C.C.R.
100. HALINDINTWALI Festus
101. UTAZI Martin, Service Vérification
102. MUNYANEZA Placide, Technicien RWANDATEL KIBUYE
103. MUHIMANA Michée, Conseiller Communal GISHYITA
104. SIBOMANA Philippe, Commerçant KIGALI
105. RUZINDANA Obed, Commerçant Transporteur KIGALI-KIBUYE
106. AHISHAKIYE Odette, Agent de Préfecture KIBUYE
107. KAMPAME Claudette, Agent de Préfecture KIBUYE
108. HATUNGIMANA Théoneste, Agent de Préfecture KIBUYE
109. BANYURWANIKI Mathias, Conseiller Communal RUTSIRO
110. BATWARE Simon, Conseiller Communal RUTSIRO
111. RUTAGANIRA Vincent Conseiller Communal GISHYITA
112. SEGATARAMA Simon, Conseiller Communal GOSOVU3
113. NYILINDEKWE Aaron, Conseiller Communal GISOVU
114. MUNYANSHONGORE Uzias, Conseiller Communal GISOVU
115. NDUTIYE Etienne, Conseiller Communal RWAMATAMU
116. BASENYERUWENDA Elie, Président M.R.N.D. Commune RUTSIRO
117. NYIRASAFALI Véronique, Comptable Commune RUTSIRO
118. GASUMBA Joseph, Conseiller Communal GISOVU
119. RUGAGAZA Abdan, Conseiller Communal GISOVU
120. MUNYAMPIRWA Félicien, Conseiller Communal GISOVU
121. RUFUKU Fabien, Conseiller Communal GISOVU
122. MUNYESHAKA Cyriaque, Conseiller Communal BWAKIRA
123. MUGABONAKE Cyprien, Conseiller Communal BWAKIRA
124. NKULIKIYINKA , Conseiller Communal BWAKIRA
125. NSHOGOZA Emmanuel
126. SEMUHUNGU Gérard, Conseiller Communal MWENDO
127. MUKOTANYI Martin, Conseiller Communal GITESI
128. NGEZENUBWO Frédéric, Conseiller Communal GITESI
129. HAVUGIMANA Athanase, Président P.L. MWENDO
130. NAMBAJIMANA François, Umujyanama wa Komini GITESI
131. MBANDANYI Enias, Conseiller Communal BWAKIRA
132. NDESHAMANZI Phénias, Inspecteur de Secteur Scolaire GITESI
133. NZABANDORA Charles, Gérant B.C.R. KIBUYE
134. REBERO Joseph, Surveillant des P & CH KIBUYE
135. TUMUSIFU Pater, Inspecteur des B C H U. KIBUYE
136. HAKIZAMUNGU Emmanuel, Chef du réseau ELECTROGAZ KIBUYE
137. NSANZIMANA Emmanuel, Etudiant
138. HARELIMANA Simon, Chef de Poste KILINDA (ELECTROGAZ)
139. NTAHONTUYE J.M.Vianney, Dirprison KIBUYE
140. HAKIZIMANA Thomas, Chef adjoint-Garage MINITRAPEE
141. HISHAMUNDA Charles, Conseiller RUTISRO
142. KANYEMANZA Anastase, Agent de Recensement RUTSIRO
143. HAVUGIMANA Hesron, Chef de Poste ELECTROGAZ KARONGI
144. NYOMBAYIRE François, Contrôleur des Finances Publiques KIBUYE
145. NGAMIJIYAREMYE Janvier, Directeur a.i. D S A KIBUYE
146. NTAMUKUNZI Joué, Professeur à l'ESI KILINDA
147. RWABUKERA Manassé, Conseiller Communal RWAMATAMU
148. HATEGEKIMANA Emmanuel, Enseignant

...../.....

149. NGILIMANA Chadrack, Conseiller Communal RWAMATAMU
150. MURWANASHYAKA J.Bosco , Gérant B L RWAMATAMU
151. MYANDAGARA Eliam - Prudent, Agent de cadre B C R
152. NAYABO Ildéphonse, Professeur à l'E.D.A. BIRAMBO
153. REBERO Théophile, Professeur & Evangeliste au Groupe Scolaire KARENGERA
154. IYAMUREMYE Aaron, C/O COBRA SECURITE KIGALI
155. MAJYAMBERE , MASO
156. RWABAGINA Boniface, Mwalimu w'Itorerero rya Pantecote ku Kibuye
157. MBERABAGABO Léopold, Nikorera ku giti cyanjye
158. MUNYANKURAZA faustin, M.R.N.D. Segiteri Kagunga MWENDO
159. UKOBIZABA Aminadabu, Conseiller Communal MWENDO
160. SEUHAGO Damien, Conseiller Communal MWENDO
161. SEBASHI Céléstin, Conseiller Communal MWENDO
162. SEKABWA Samuel, Conseiller Communal MWENDO
163. URAYENEZA Boniface, Conseiller Communal MWENDO
164. MUGENARUGAMBA, Conseiller Communal MWENDO
165. NIYIBIZI Emmanuel, Inspecteur des Secteur Scolaire MWENDO
166. NSANZIMANA André, Intendant de l'Ecole Secondaire de GASENYI
167. NAMBAJIMANA Martin, Responsable Programme ALPHA au Projet Lutte contre
la famine
168. BAVAKURE Marc, Pasteur E.M.L.R. KIBUYE
169. Maindron Gabriel, Curé de la Crête Nil
170. NZARORA Raphaél, F A B/ASC RWAMATAMU
171. MUGAMBIRA Aphrodis, Commerçant
172. NSENGIYUMVA Marcellin, Directeur E S I KILINDA
173. MULINDANGWA Vincent , Umuhinzi
174. UZAMUKUNDA Prudence, Secrétaire Cellule A I P K
175. KAREMANGINGO ALEXIS, Conseiller Communal RWAMATAMU
176. GASAGARA ELIE, Directeur Adjoint des Projets IDA Education
177. MUGANGA Salathiel, Agent de Banque (BACAR)
178. MURENZI RUREMESHU Ephraïm, Commerçant BIRAMBO
179. SEMIRINDI Moïse, Commerçant BWAKIRA
180. BANKUNDIYE Ismaël, conseiller Communal RWAMATAMU
181. GASHUMBA Jean Baptiste, Conseiller Communal BWAKIRA
182. RULIKIBAYE Simon, Représentant M.D.R. MWAKIRA
183. NTAWIRUKANAYO Fidèle, Directeur de l'I.P.K. (KIRINDA
184. Dr KAMANZI Antoine, Directeur de l'Hôpital KIRINDA
185. A.M. NSENGIYUMVA léonard, Responsable du centre de Transfusion Sanguine
de KIBUYE
186. RWABUKERA Ephraïm, Agent de l'Etat GITESI
187. HABUYAMBERE Naphtal, Pasteur de l'E.M.L.R. GITESI (KIBUYE)
188. SINDIHOKUBWABO Léon Fidèle, Conseiller Communal BWAKIRA